

林
邵
州
集

卷
下

唐林邵州遺集附錄

大清

護齋夫文淵閣校理翰林院編修國史館纂修六經紀錄七次福州陳壽祺編

貢

生

福

鼎

王

遐

春

刊

唐書儒學傳

宋歐陽脩宋祁撰

林蘊字復夢泉州莆田人父披字茂彥以臨汀多山鬼淫祠民厭苦之撰無鬼論刺史樊晃奏署臨汀令以治行遷別駕蘊世通經西川節度使韋皋辟推官劉闢反蘊曉以逆順不聽復遺書切諫闢怒械於獄且殺之將就刑大呼曰危邦不入亂邦不居得死爲幸矣闢惜其直陰戒刑人抽劒磨其頸宵服之蘊

叱曰死卽死我項豈頑女砥石邪關知不可服捨之
斥爲唐昌尉及闕敗蘊名重京師李吉甫李絳武元
衡爲相蘊貽書諷以國家有西土猶右臂也今臂不
附體北彌幽郊西極汧隴不數百里爲外域涇原鳳
翔邠寧三鎮皆右臂大藩擁旄鉞數十百人唯李抱
玉請復河湟命將不得其人宜拔行伍之長使守秦
隴王者功成作樂治定制禮今權臣制樂曲自立喪
紀舜命契百姓弗親五品不遜汝作司徒唐以臯侑
齔季安爲司徒官不擇人盧從史于臯謨罪大而刑
輕農桑無百分之一農夫一人給百口蠶婦一人供

百身竭力於下者飢不得食寒不得衣邊兵菜色而將師縱侈自養中人十戶不足以給一無功之卒百卒不足奉一驕將六事皆當時極弊蘊亦韋臬所引重嫉其專制感憤關說然嗜酒多忤物宰相置不用也滄景程權辟掌書記旣而權上四州版籍請吏而軍中習熟擅地畏內屬挾權拒命不得出蘊陳君臣大誼諭首將人人釋然於是權得去蘊遷禮部員外郎刑部侍郎劉伯芻薦之於朝出爲邵州刺史嘗杖殺客陶弔之投尸江中籍其妻爲倡復坐贓杖流儋州而卒蘊辨給嘗有姓崔者矜氏族蘊折之曰崔杼

弑齊君林放問禮之本優劣何如邪其人俯首不能對

資治通鑑

宋司馬光

元和元年春劉闢既得旌節志益驕求兼領三川上不許闢遂發兵圍東川節度使李康於梓州欲以同幕盧文若爲東川節度使推官莆田林蘊力諫闢舉兵胡三省注武德五年分南安置莆田縣時屬泉州風俗通曰林姓林放之後孫恂曰周平王次子林開之後魯有林放闢怒械繫於獄引出將斬之陰戒林雍齊有林元行刑者使不殺恒數礪刃於其頸欲使屈服而赦之蘊叱之曰豎子當斬卽斬我頸豈汝砥石耶闢顧左

右曰真忠烈之士也乃黜爲唐昌尉

元和十三年春二月橫海節度使程權自以討襲滄
景與河朔三鎮無殊內不自安已酉遣使奉表請舉
族入朝許之橫海將士樂自擅不聽權去掌書記林
蘊諭以禍福權乃得出詔以蘊爲禮部員外郎

歐陽四門集

唐歐陽詹

翫月詩

并序

月可翫翫月古也謝賦鮑詩朧之庭前亮之樓中
皆翫也貞元十二年歐閩君子陳可封在秦寓於
永崇里華陽觀予與鄉故人安陽邵楚長濟南林

蘊潁川陳詡亦旅長安秋八月十五日夜詣陳之
居脩厥翫事月之爲翫冬則繁霜太寒夏則蒸氣
太熱雲蔽月霜侵人蔽與侵孰害乎翫秋之於時
後夏先冬八月之於秋季始孟終十五於夜又月
之中稽於天道則寒暑均取於月數則蟾兔圓况
埃壙不流太空悠悠嬋娟徘徊桂華上浮升東林
入西樓肌骨與之疏涼神魂與之清冷四君子悅
而相謂曰斯古人所以爲翫也旣得古人所翫之
意宜襲古人所翫之事乃作翫月詩

八月三五夜舊嘉蟾兔光斯從古人好其下今宵堂

素魄皎孤凝芳輝紛四揚徘徊林上頭泛灩天中央
皓露助流華輕颺佐浮涼清冷到肌骨潔白盈衣裳
惜此苦宜翫攬之非可將含情顧廣庭願勿沈西方
蜀門與林蘊分路後屢有山川似閩中因寄

林蘊蘊亦閩人也

邨步如延壽川源似福平

延壽福平皆閩中川源之名延壽卽蘊之別墅在焉

福平卽予之別墅在焉

無人相與識獨自故鄉情

與林蘊同之蜀途次嘉陵江認得越鳥聲呈
林林亦閩中人也

正是閩中越鳥聲幾回留聽暗霑纓傷心激念君深

淺共有離鄉萬里情

陳壽祺案歐陽四門集有九日廣陵同陳十
五先輩登高懷林十二先輩詩送巴東林明
府之任序送鹽山林少府之任序諸林當亦
邵州之族林十二疑卽九牧之一也

黃御史集

唐黃滔

蒲山靈巖寺碑銘序

初侍御史濟南林公藻與其季水部員外郎蘊貞元

中谷茲而業文歐陽四門捨泉山而詣焉

原注四門家晉江泉

山在郡城之北其集有與王式書云蒲陽讀書卽茲寺也

其後皆中殊科御史省

試珠還合浦賦有神授之名水部應賢良方正科擅
比干之譽策云臣遠祖比干因諫而死天不厭直更生微臣也歐陽垂四門之
號與韓文公齊名得非山水之靈秀乎

祭陳侍御嶠文

天子復含元謁見有司新都省權衡遂從寰海迴翥
蓬瀛振輝光於甲乙開道路於孤平望高而先脫麻
衣家遠而須榮鄉士十二人林君茂躅一百年莆邑
大數君侯設醴以前席里巷拜塵而如堵又曰某復
曉夕以思江山之事林君則以合浦垂名夫子以申
秦得意高步斯振宏規靡異前輩曠世後來遂志俱

蟠使下之柏俱擅乙中之二

原注林端公貞元七年首闕越之科第以珠還

合浦賦擅名後十年莆邑許員外榮登自此文學之士繼踵而悉不偶時曠八十七年始鍾於延封其文以申秦續篇擅名後六七年徐正字及第兼某塵忝林端公同延封榜皆第十二人皆開路於後人皆終使府大判官判官皆柏臺林荆南延封閩中也

撫言

唐王定保

林藻省試珠還合浦賦賦成假寐若有告者曰何不敘珠去來寤而增之曰珠之去兮山無色兮氛霧冥冥海無光兮空水浩浩珠之來兮川有媚兮祥風習習地有潤兮生物振振果中第及謝王司杜黃裳曰敘珠去來若有神助

玉泉子

唐無名氏

杜黃裳知貢舉聞尹樞時名籍籍乃微服訪之問塲中名士樞唯唯黃裳乃具告曰某卽今年主司也受命久矣唯得一人其他相煩指列樞聳然謝曰旣辱下問敢有所隱卽言子弟崔元畧孤寒有林藻令狐楚數人黃裳大喜其年樞狀頭及第試珠還合浦賦成或假寐夢人告曰何不序珠來去之意旣寤乃改數句及謝恩黃裳謂之曰序珠來去之意如有神助陳壽祺按敘珠入夢事玉泉子以爲尹樞黃滔集乃屬林藻唐摭言亦然滔與藻同里時

代甚近其言當不繆玉泉子誤耳

源流至論

宋林駟

閩中人材篇

自唐以來駸駸與上國齒曼胡之纓

化爲青衿

原註閩中記林藻泉山銘云曼胡之纓化爲青衿

有闕下高風鄉

人敬慕者

原註林蘊

有龍虎同榜天下稱重者

陳壽祺謹案源流至論引泉山銘以屬林藻

恐誤又曼胡之纓二語本獨孤及福州新學

碑文泉山銘引之而此竟以爲藻語尤非

閩小紀

國朝

周亮工

唐林藻就試試合浦還珠賦思之未得忽假寐有人

告之曰何不云珠去勿珠還也覺而異之卽用其語
遂登第後見素林公俊有族父京爲廉州二守見素
以詩寄之曰破荒詞賦落人間水異川精兩媿顏今
日雲初居此地祇令珠去勿珠還蓋用前事云

陳壽祺案閩小紀記林江陵事微誤

全閩詩詔

國朝 鄭方坤

登科記德宗貞元七年是歲辛未刑部侍郎杜黃裳
知貢舉所取二十人尹樞爲首林藻第十八是榜其
後爲宰相者四人令狐楚竇楚皇甫鑄蕭俛賦題合
浦還珠詩題青雲干呂

陳壽祺案登科記一條祇據全閩詩話未審
採自何書黃滔集祭陳侍御嶠文言林端公
同延封榜 皆第十二入此以爲第十八誤

直齋書錄解題

宋陳振孫

林藻集一卷 唐嶺南節度副使莆田林藻緯乾撰
貞元七年進士試珠還合浦賦敘珠去來之意人謂
有神助焉

林蘊集一卷 唐邵州刺史林蘊復夢撰藻之弟也
見儒學傳蘊父披蘇州別駕有子九人世號九牧林
氏其族至今衣冠詩禮以蘊所爲父墓碑攷之其八

子爲刺史司馬其一號處士而披之父爲饒陽郡守
祖爲瀛州刺史蓋亦盛矣

通志藝文畧

宋鄭樵

林藻集一卷

林蘊集一卷

陳壽祺案福建通志林藻集二卷林蘊集二

卷蓋卽一卷析爲上下耳

鈐山堂書畫記

明文嘉

林藻深慰帖吳文定公家本乃宣和內府所藏

別本云匏

菴先生家物宋宣和御府
錄藏標公書僅此帖耳

興公藏書目

明徐爌

林藻集一卷

廣邵州續慶圖序

紹聖四年邵州七世孫從政郎承明令

宋林諭

林氏得姓其來尚矣比干爲紂少師傷宗室之危累
貢直言剖心而死時夫人陳氏有遺腹逃于長林石
室中生男泉周武王克商封比干墓賜姓林名堅以
林中石室產也食采於清河移封博陵郡公至今二
郡爲林氏之望厥後有雍楚不狃見於春秋放回旣
類見於傳放魯人也從孔子問禮望稱於魯國者始